

سنه لکى در سعادت ايجون مجديه
يکرمى غروش حسابيله التمش
غروشدر

طشره ايجون بوسته احررتى اوله رق
اون بش غروش ضم اولنور

نسخه سى ۴۰ پاره در

فکر دیکم

آبونه اولق ایستینلر دائره عدلیه ده
اداره مخصوصه سنه مراجعت
ایتملدر

اعلاماتک بهرندن بر مجديه اخذ
ایدیلور

نسخه سى ۴۰ پاره در

هفته ده ایکی دفعه جمعه ايرتسى و چهارشنبه کونلری نشر اولنور. محتویاتی امور عدلیه به متعلقدر

توضیحات

خداوندکار ولایتی استیناف محکمه سى مدعى
عمومیلکى آیدین ولایتی استیناف محکمه سى مدعى
عمومیسى عزتو حکمت بکه

آیدین ولایتی استیناف محکمه سى مدعى عمومیلکى
جزایر بحر سفید ولایتی استیناف محکمه سى مدعى
عمومى سابق سعادتلو راغب بکه

قوصوه ولایتی استیناف محکمه سى مدعى عمومیلکى
سلانیک ولایتی مرکز بدایت محکمه سى جزا دائره سى
رئیسى قوتلو مصطفی عاصم افندی به

سلانیک ولایتی مرکز بدایت محکمه سى جزا
دائره سى ریاستی سوریه ولایتی مرکز بدایت محکمه سى
مدعى عمومى معاونى عزتو ثروت بکه

سوریه ولایتی مرکز بدایت محکمه سى مدعى
عمومى معاونلکى ارطغرل سنجاغی بدایت محکمه سى
جزا دائره سى رئیسى قوتلو حامد بکه

ارطغرل سنجاغی بدایت محکمه سى جزا دائره سى
ریاستی سنجیه سنجاغی بدایت محکمه سى جزا دائره سى
رئیسى قوتلو اسماعیل نجیب افندی به

سنجیه سنجاغی بدایت محکمه سى جزا دائره سى
ریاستی طاشلیجه سنجاغی بدایت محکمه سى مدعى
عمومى معاونى قوتلو محرم خرم افندی به

طاشلیجه سنجاغی بدایت محکمه سى مدعى عمومى
معاونلکى یکیکجه و اردار قضاسى بدایت محکمه سى جزا
دائره سى رئیسى رشدی افندی به

یکیکجه و اردار قضاسى بدایت محکمه سى جزا
دائره سى ریاستی جسر ارکنه قضاسى بدایت محکمه سى
مدعى عمومى معاونى مصطفی نائلی افندی به

جسر ارکنه قضاسى بدایت محکمه سى مدعى عمومى
معاونلکى مکتب حقوق شاهانه مأذونلرندن مصطفی
صدقى افندی به تفویض بیورلمش ومومى الیهمدن

محلف اولیان مصطفی صدقى افندینک علی الاصول
تحلیفی در دست اجرا بولنشددر.

قوصوه ولایتی مرکز بدایت محکمه سى جزا
دائره سى رئیسى عزتو جعفر الهامی افندی به وظیفه
موکوله سنى حسن ایفاده اقدامات رویتندانه سى
مشاهد اولسنه مبنی ترفیعاً رتبه ثانیه صنف ثانیه سى
توجیه بیورلمشدر.

نشان

محکمه تمیز باش مدعى عمومیلکى معاونلرندن عزتو
رشید بکه وظائف مأموریتى ایفاده مشاهد اولان
مساعى مدوحه سنه مبنی اوچنجی رتبه دن مجیدی
نشان عالیسی احسان بیورلمشدر.

تبلیغات

بلا رخصت طاش اوچاغی کشاد ایدنلرک نظامنامه
مخصوصه توفیقاً جزای نقدی ایله محکومیتی طلبی
متضمن اورمان اداره لری جانبدن اقامه اولان
دعاویک قوصوه ولایتی مرکز بدایت محکمه سى
جزا دائره سیه دیگر بعض ولایات محاکمه مذکور
نظامنامه نک تنفیذ احکامی منحصرأ اورمان نظارتنه
عائد اولدینی بیانیله وظیفه نقطه سندن ردی یولده
قرارلر ویرلمکده وشو صورتله معاملات اداره اشکال
ایدلمکده اولدینلر بویابده ایجابی وجهله تبلیغات
ایفاسی حقه دن اورمان ومعادن نظارت جلیله سندن
وارد اولان تذکره اوزرینه انجمن عدلیه دن تنظیم
واعطا قلنان مذکرده صورت اشعاره نظراً ذکر اولان
نظامنامه نک صوک فقره سنده نظارت مشار الیه انک
احکام مندرجه سنى اجرایه مأمور بولندینی مرقم
اولسنلرندن ناشی مذکور نظامنامه به استناداً
آرانیلان جزای نقدی ايجون استحصال حکمه
احتیاج اولمدینی ذهابیله اقامه ایدیلان بوقبیل دعاویک
رؤبى وظیفه خارجنده عد واعتبار ایدلمکده اولدینی
منفهم اولوب حالبوکه دیگر بعض قوانینک نهایتلرنده

دخی کوسترلیدیکی اوزره فقره مذکور به بلا رخصت
طاش اوچاغی کشاد ایدنلرک نظامنامه مخصوصه
یکرمی طقوزنجی ماده سى موجب سجه لازم کلان تضمینات
ایله جزای تقدینک اخذی وامتناع وقوعنده دواتر
رسمیه جانبدن اشخاص علیهنده اقامه اوله حق
بوکی دعاویک مرجع رؤیى اولان محاکم عدلیه به
مراجعتله کیفیت استیفاسنک حکم وقراره ربطی
صورتلریله مذکور نظامنامه نک بوجهته متدائر بولان
مواد محتویه سنک دخی اجرای امر تطبیقاتی مأموریتنک
نظارت مشار الیه مودوع اولدینی مبین اولسنه
نظراً مذکور فقره اخیر نک طلب اولسان جزای
نقدی بی اعطادن استکاف ایدنلر حقه دن بلا حکم
معامله تنفیذیه اجراسى تجویز ایدر صورتده عدم
صلاحیت قراریه دعاوی واقعه نک ردی خصوصنده
مدار استناد اوله میه جنى امور بدیهه دن وشمده یه
قدر بوکی جزای تقدیرله دائر دیگر ولایات محاکمندن
ویریلان اعلاماتک عندالتمیز وظیفه جهتندن نقض
ایدلماش اولمسیده دعاوی مذکور نک رؤیتنه محاکم
عدلیه نک صلاحیتدار اولدینی حقه دن کی افادانک
اصابت قانونیه سنى تأیید ایدر احوال دن بولنمش
اولدینلرندن خصوصات مماثلده احکام قانونیه نک بو
وجهله حسن جریاننه دقت واعتنا اولنمش لزوم نک
ایجاب ایدنلر تعمیماً وقوصوه ولایتی مرکز بدایت
محکمه سى جزا دائره سندن ویرلیدیکی متن تذکرده
حکایه قلنان قرارک دخی هیئت محکمه به موجب
انتباه اولق اوزره فسخ و نقضی یولنده سریعاً تشبثات
قانونیه ده بولنسنک ولایت مذکور محکمه استینافیه سى
مدعى عمومیلکینه علاوه اشعاری افاده قلنمشدر.

محاکمات مقتررات

ارزنجان اهالیسندن عمر افندینک اوغلی بحریک
کیفیت قتلندن دولایى جنایتله اتهام اولسان ناظم
افندینک قرق بش آی مدله حبسنه دائر ارزنجان

سنجانی بدایت محکمه سی جزا داتره سندن ویریلان
۱۵۶ نومرولی اعلام

قتل و سرقته جرأت یتلرندن دولای جنایتله
اتهام اولان شا کر ویا بوخلیک یدیش و دیگر خلیک
درت سنه مدته کورکه قوتلرینه داتر معموره العزیز
ولایتی استیناف محکمه سی جزا داتره سندن ویریلان
۱۵۷ نومرولی اعلام

قوجحصار ناحیه سی اهالیسندن طبقن اوغلی
حسنک ماده قتلندن دولای جنایتله اتهام اولان
عبداللهک اون بش ورفیق حسنک بش سنه مدته
کورکه قوتلرینه داتر کفری سنجانی بدایت
محکمه سی جزا داتره سندن ویریلان ۱۵۸ نومرولی
اعلام

اروه قضای اهالیسندن غزال نام قادیلک ضراباً
وفاته سببیت ویردیکندن دولای جنایتله اتهام اولان
رستم بن بهزادک بش سنه مدته کورکه قوتلرینه داتر
سعد سنجانی بدایت محکمه سی جزا داتره سندن
ویریلان ۱۵۹ نومرولی اعلام

یلان یره شهادت ایتدیکندن دولای جنایتله
اتهام اولان احمد بن یوسفک اوج سنه مدته کورکه
قوتلرینه داتر طرابلس غرب ولایتی استیناف محکمه سی
جزا داتره سندن ویریلان ۱۶۰ نومرولی اعلام

کوبرلی قصبه سی اهالیسندن مصطفی بن کریمک
کیفیت قتلندن دولای جنایتله اتهام اولان علی
اوغلرلی زینل و حسنک بش سنه مدته کورکه
قوتلرینه داتر سلانیک ولایتی استیناف محکمه سی
جزا داتره سندن ویریلان ۱۶۱ نومرولی اعلام

قوایه قضای اهالیسندن عبدالغنی بن ابراهیمک
کیفیت قتلندن دولای جنایتله اتهام اولان امین بن
ولی نیک اون بش سنه مدته کورکه قوتلرینه داتر
درج سنجانی بدایت محکمه سی جزا داتره سندن ویریلان
۱۶۲ نومرولی اعلام

سیلوان قضای اهالیسندن حسنک کیفیت
قتلندن دولای جنایتله اتهام اولان عبده بن رمضانک
اون بش سنه مدته کورکه قوتلرینه داتر دیاربکر
ولایتی استیناف محکمه سی جزا داتره سندن ویریلان
۱۶۳ نومرولی اعلام محکمه تمیز جزا داتره سنج
تصدیق اولمشدر .

درسعادت جنایت محکمه سندن تنظیم واعطا
قتلان اعلامدر :

بیک اوچسوز یکرمی سنه سی تشرین اولنک
اون التنجی جمه ابرتنی کونی اخشامی ساعت اون
ایکی راده لرنده اسکدارده بکی چشمه ده جفته خانلرده

اخور دروننده سورنجی سیواسلی احمدی جرح
و قتل ایتدیکلری ادعاسیله مظنون اولان محل
مذکورده مقیم اولوب اون بش یاشنده اولدینقی سولیان
قوندره بویاجیمی آستانلی حسن بن حسن وبارکیر
سورنجیمی اولوب یکرمی درت یاشنده ایدوکنی قاده ایلان
ایرانی احمد بن علینک جنایتله اتهاملرینه داتر هیئت
اتهامیه دن تنظیم قتلان مضبطه ایله استیناف مدعی
عمومیلک نیک ۲۳ کاتون تاقی سنه ۳۴۰ تاریخلی اتهام
مه سی اوراق مقررعه سیله برابر محکمه جنایتله تودیع
قلعده بالمطالعه تفصیلاتی اولایده طوتیلان ضبطنامه دن
مستبان اوله جنی اوزره اصول محاکمات جزائییه
قانوننیک باب نایسنیک فصل رابعنده محرر اولان
معاملات ابتدائی وجاهه بعد الاضا متهمان مرقومانک
اجزای محاکمه لری ایچون بیک اوچسوز یکرمی
سنه سی شایطنک اون یدنجی بخشیده کونی تعیین
قانون بوم مذکورده متهمان مرقومان علی الاصول
توقیفخانه دن کتوردیلرک وکیللری دعوی وکیللرندن
یا قوفیا و دیگر وکیل آرتین زلیحان اقدیلر واستیناف
مدعی عمومی معاونلرندن عزتلو شکبک بک موقع
مخصوصارنده حاضر اولدققرلی حالده محاکمه علویه
اجراسنه مباشرت وکندولریله وکیللرینه اخطاواوات قانونیه
ایضا قلندقدن صکره هیئت اتهامیه مضبطه سیله اتهامنامه
ضبط کاتی نجاتی اقدی طرفندن قرائت اولندی .
مذکور مضبطه ده مظنون علیهما قبضی حسن
واحدک سیواسلی احمدی متممداً جرح و قتل ایلش
اوللرندن طولای اتهاملرینه مستطقی قرار نامه سنده
محرر دلائل وامارات کافی کورلش و حرکتلری
قانون جزانک یوز تمشنجی ماده سی حکمنی مستلزم
افعال جنایتیه دن بولنش اولدیفندن اول وجهله
جنایتله اتهاملرینه قرار ویرلیدی محرر واتهامنامه ده
دخی مرقومانک جنایت مذکورده فاعللری اولغله
اتهام ایدلککری مسطر در .

اتهامنامه نیک خلاصه سی جانب ریاستدن متهمان
مرقومانه تفهیم وتوضیح ومعاون مومی الیه طرفندن
دخی دعوانک تشریح قلمسنی معقب مرقومان
سولتدیرلککری بولنردن قبضی حسن برجمه ابرتنی
کونی قوش طومتی اوزره حیدر باشده کاتر مکتب
قنون طیه نیک جوارینه کیدوب ساعت اون بر راده
لرنده عودت ایدر ایکن رفیق ابراهیم بریشیه راقی
چیقارده رق برلکده ایچدککری صره ده مرقوم کندوسنه
خطاباً (سیواسلی احمدی اولدرچکم سکا صورادرلر
ایسه بن اولدرم دی سکا بش مجیدیه ویرم)
دیدیکنی وکندوسیده خانه کلکدن صکره بکی محله ده
عربه واپوری ییلنجیمی توقیق اقدینک خانه سنه
کیدوب ساعت اون ایکنی یکرمی دقیقه کچه خانه

عودت ایتدیکنده احمدک قتل اولدینقی ایتدیکنی
و کندوسنی در دست ایتدیکرکده احمدی بن جرح
و قتل ایتدیم دیوب حالبوکه کندوسنی قتل ایتدیکنی
و آلت قتل اولان ییاق احمدک ایدوکنی بیان و دیگر
متهم ایرانی احمد دخی بوم مذکورده حیدر باشده
شوسه یولی ایچون قوم چکرک ساعت طقوزدن
صکره بایدوس ایدوب خانه عودت ایتدیکنی واوسته سی
علی اغا ایله اولده چای ایچوب اخیراً کیک آلتی
ایچون زقافه چیقارایکن خانک قیوسی اوکندده طورمقدمه
اولان متهم قبضی حسن سیواسلی احمدک کلوب
کدیکنی کندوسندن صورددینی کبی احمد
دخی کندوسنی ایچون مرکه بیلیم نه ایتدی
دیدیکندن حدتله رک بن اکا کوسترم یا او اته
ویا اوسته چقه جق دیدیکنی وکندوسیده چارشویه
کیدوب عودت ایتدیکنده اوسته سیده چارشونک دیگر
طرفه کیتش اولدیفندن اوسته سنی کورمک اوزره
ورود ایدن طودوری و سیواسلی ابراهیم ایله چیقوب
ساعت اون ایکی راده لرنده اولده او طور دکلری
صرده بر کورلتی اولغله برابر پولیس مأمورلری
بالورود کندولری قره غولخانه بیه کونوردکلری
واواشاده قبضی حسن در دست اولنهرق احمدی
کندوسنی جرح و قتل ایتدیکنی سولیدیکنی و کندوسنی
اصلا احمدی قتل ایتدیکنی و قبضی حسن یی تورنارمق
ایچون فعل قتل کندوسنه اسناد ایتدیکرکی اتیان ایدیلر
بونک اوزرینه ضابطه عدلیه تقریری و برقطعه
ضبط ورقه سی وطیب راپوری قرائت ایتدیرلدی
مذکور تقریرده بیک اوچسوز یکرمی سنه سی تشرین
اولنک اون التنجی کونی اخشامی اسکدارده احمدیه
جاده سنده جفته خانلرده اخور دروننده سیواسلی
احمدک جرح و قتل اولنسنندن ناشی تحقیقات اجرا
قلندقدنه ایکن در دست اولان قبضی حسن احمدی
کندوسنی اوردینقی و بیاض صابلی ییچانگی کویکی
اوزرنده بر اقدینقی پولیس قومیسری حسن وطاصم
وشوکت اقدیلرک حضورنده شفاهاً بیان ایتدیکنی
وافاده سی ضبط اوله جنی اتاده تحویل لسان ایدرک
بوم مذکورده ساعت اون بردن صکره حیدر باشا
چارندن مذکور خانه عودت ایتدیکده ایکن انشای
راده رفیق ایرانی احمد و سولسترلی ابراهیم ایله
عشرت ایتدیکلری و ابراهیم کندوسنه خطاباً احمدی
اورده جف سکا بش مجیدی ویرم قره غولخانه دن
اوردم دیو سوبله دیدیکندن اولوجهله افاده ویرمش
ایسه ده کندوسنک قتلده دخی اولدینقی اتیان واحد
ایله ابراهیم دخی مذکور کون حیدر باشده یول ایچون
قوم طاشیوب ساعت طقوزده بایدوس ایتدیکلری
وخانه عودت ایله یوقاروده اوله لرنده او طور مقدمه لر

ایکن بر باطردی اولوب پولیسلر دخی بالورود
کندولری طودققرلی واحدی قتلده دخی بولندینقی
وحسننیک کندولرینه افترا ایتدیکنی اتیان ایدلککری
واجرا قتلان تحقیقات نتیجه سنده برکیجه مقدم
حسننیک مرکه بیلیم نه ایتدیکنی مقتول
احمد قهوه خانه دن علناً سولیدیکندن حسنی مغیر
اولوب مرقومی قتل ایتدیکنک اکلاشلدینقی وضبط
ورقه سنده دخی حسنی در دست ایدرک قره غولخانه بیه
کونورمکده لر ایکن احمدی بن اوردیم پیوده ارغوا
شمیکز و بیاض صابلی ییچانگی ده کویکی ارزرنده بر اقدم
دیدیکنی اشعار ورا بورده جفته خانلرده بر اخور
دروننده مقتول اولان احمدک باشی جنوبه ایاقلری
شرقه متوجه صرت اوستی یاتقدده وتر بیتی وسط
البیه تخمیناً یکرمی بش یاشنده اولدینقی ومعهده سی
اوزرنده صابی بیاض کیکدن معمول ، ناملوسی اون
سکن سانیتمترو طولنده اوج سانیتمترو عرضنده
اوجنیک ایکی یوزی کسکین خنجره مشابه بر ییچاق
صابلاشم بولهرق چیقارلیدینی ومذکور ییچاغک
انسانی سیرنده بطنده بولنسان اوعیه مهمی قطع
ایلسندن ترف دم داخلیدن آرزمانده متناً وفات
ایتدیکنی ازبار قلمشدر .

(مابعدی کلچک نسخه بیه)

احسان وعمر اقدینک ولی یی ضرب ایتدیکری
ثابت اولدیفندن بر رفته حبسلرینه
یائنک برر قوجوی ضرب ایتدیکنی ثابت اولد
یفندن بر آلتون آلتورق مضروب ویرلسنه
مادغریکت خرسوتی ضرب ایتدیکنی ثابت اولد
یفندن اون کون حبسنه

رفعت طروسه اطاله لسان ایدلیدی ثابت اولدیفندن
برایرا جزای نقدی اخذینه درسعادت ویک اوغلی
بدایت محکمه لری جزا داتره لرنبه قرار ویرلشدر .

اعلامات

درسعادت بدایت محکمه سی برنجی مرقوم داتره سنده :
شهزاده باشنده قره کوز محله سنده ساکنه خدیجه
خانمک اوله قضای بدایت محکمه سی مستطقی
معاونی طلعت بکله زوجیه سی ذکیه خانم عاریه
ورمش اولدینقی حالده امر واجازتی اولقشرین
صراف بابا دیوبله ترهین ایدلش اولان قرق ایرا
قیمتده برعد مجوه لری یوزوکم مرقوم بابا دیولون
تحصیل واسترداد حکمنی حاوی درسعادت بدایت
محکمه سی برنجی حقوق داتره سندن استحصا

ایدلیدی اعلام غیابییه مرتهن مرقوم بابا دیولوطرفندن
وقوعبولان اعتراض وسبق ایدن محاکمه اوزرینه
اولایده کی دعوا بیه راهن مومی الیه طلعت بکک دخی
ادخلی ققر ایش و برای محاکمه تنظیم اولسوب
اسولاً محل مأمورینه کوندریلان دعوتیه ورقه سی
زیرینه ویریلان شرحده مومی الیه طلعت بکک محل
مأموریتدن انفصال ایدرک نره بکیتدیکنی معلوم
اولدینقی کوندرلیدی کی ایدوده دوکجهیلر محله سنده کی
خانه سنده کوندریلان ورقه مذکورده ظهرینه دخی
محله مذکورده مامی طرفندن مومی الهک هنوز عودت
ایتدیکنی تحریر ایدلش ومعترض مرقوم ایسه مومی الیه
طلعت بکک غائب عدی وغیرته لرله اعلانی صورتیله
دعوت ایدلشی طلبنده بولنوب طلب واقع اصول
محاکمه حقوقیه قانوننیک یکرمی التنجی ماده سنده موافق
کورلش اولدینقیه منی مذکور ماده حکمنه توقیفاً
محکمه دیوانخانه سنده تعلیق اولان دیگر ورقه دعوتیه ده
محرر اولدینقی اوزره اوچسوز یکرمی بر سنه سی
مایسنک اون ایکنجی بخشیده کونی روتی مقرر اولغله
دعوی مذکورده محاکمه سنده حاضر بولنقی لازم
کلان مومی الیه طلعت بک اثبات وجود ایتدیکنی حالده
حقنده معامله غیابیه اجرا اوله جنی معلوم اولق
اوزره اعلان کیفیت اولنور .

درسعادت ایکنجی نجات محکمه سنده :

تحمیص زقافنده نلی اوغلی خاتنده مقیم قصاب
عزیز آغاک ۲ نیسان سنه ۳۴۱ تاریخندن اعتباراً
اعلان افلاسنه ومصالح افلاسیه نیک رؤیت وتسویه سی
ضمننده اعضای محکمه دن سعادتو رضا بکک ژور
قومیسر ودعوی وکیللرندن یا قوفیا اقدینک موقت
سندیک تعینلرینه ومغازه سیله اشپای زائده بیتیه سنک
تمهیرینه واوراق ودقارتینک جنبه وکفالت مصدقه
ارانه ایدمه دیک تقدیرده توقیفه ووبابده کی قراورک
موقه اجراسنه ایکنجی تجارت محکمه سندن قرار
ویرلش اولدیفندن قانوننامه تجارتک ۱۷۰ نجی ماده سی
موجبجه دائمی سندیکر انتخاب اولنقی اوزره ۳۴۱
سنه سی نیسانک ۲۰ نجی بخشیده کونی ساعت بدی
راده لرنده اصحاب مطلوبک محکمه مذکورده مک مصالح
افلاسیه رؤیتده مخصوص اوطنه سنده کللری اعلان اولنور
~~~~~

غلطده تراموای یولنده خراجچی زقافنده مقیم  
جوقه تجارتندن قسطنطنین لوغاریدیسک اعلان افلاسنه  
ومصالح افلاسیه نیک رؤیت وتسویه سی ضمننده اعضای  
محکمه دن سعادتو رشیدی اقدینک ژور قومیسر  
ودعوی وکیلی سعادتو سلیم حسنی اقدینک موقت

سندیک تعینلرینه ومغازه سیله اشپای زائده بیتیه سنک  
تمهیرینه واوراق ودقارتینک جنبه وکفالت مصدقه  
مصدقه ارانه ایدمه دیک تقدیرده حبس وتوقیفنه  
ووبابده کی قراورک موقه اجراسنه ایکنجی تجارت  
محکمه سندن قرار ویرلش اولدیفندن قانوننامه تجارتک  
۱۷۰ نجی ماده سی موجبجه دائمی سندیکر انتخاب  
اولنقی اوزره [ ۲۰ نیسان سنه ۳۴۱ ] چهارشنبه  
کونی ساعت بدی راده لرنده اصحاب مطلوبک محکمه  
مذکورده مک مصالح افلاسیه رؤیتده مخصوص اوطنه سنده  
کللری اعلان اولنور .

آقره نجات محکمه سنده :

اقرده بدستان چارشوسنده مقیم متشوق  
ارسلاننیک اوغلی اغوب اغا اوغلاری کیتورق  
وکر قورک ۲۵ مارت سنه ۳۴۱ تاریخندن اعتباراً  
اعلان افلاسلرینه ومصالح افلاسیه نیک رؤیت وتسویه سی  
ضمننده اعضای محکمه دن رفعتو علی بکک ژور قومیسر  
ومحکمه باش کاتی نورس ودعوی وکیللرندن ارمنک  
اقدیلرک موقه سندیک تعینلرینه ومغازه لرله  
اقامتکارلنده بولنسان اشپای زائده بیتیه لرینک  
تمهیرینه واوراق ودقارتینک جنبه وکفالت ارانه  
ایدمه دیکری حالده حبس وتوقیفلرینه ووبابده کی  
قراورک موقه اجراسنه اقره تجارت محکمه سندن  
قرار ویرلش اولدیفندن قانوننامه تجارتک ۱۷۰ نجی  
ماده سی موجبجه دائمی سندیکر انتخاب اولنقی  
اوزره بیک اوچسوز یکرمی برسنه سی نیسانک اون  
ایکنجی صالی کونی ساعت التی راده لرنده اصحاب مطلوبک  
محکمه نیک قلم اوطنه سنده کللری اعلان اولنور .

اعلامات نظامیه امر داتره سنده :

امینه خانمک کورچی احمد اغا ذمتنده  
محکوم به آله جفته مقابل مرهون وفروختی محکوم  
بولنسان سلطان احمد جوارنده تخلید محله سنده شفا  
حامی جاده سنده واقع تخمیناً یتیم اوج آرشون  
عرصه اوزرینه منی درت قاتدن عبارت درت اوطنه  
ایکی تخم پوش و برصوفه و بر مطبخ و بر قیوی حاوی  
مکرر یکرمی بر نومرولی بر باب اخشاب خانه تاممنک  
تاریخ اعلادن اعتباراً اون بش کون صکره بالزاید  
فروخته تشبث اوله جنی درسعادت اعلامات نظامیه  
اجرا داتره سندن اعلان اولنور .

قلعه سلطانیه سنجانی بدایت محکمه سی جزا داتره سنده :  
لایسکی قضاسنه تابع کورک قره سندن قره سلیمان



اوغلی رضایک بچاقله صاغ الینک ایکی بارمقی کسهرک تعطیل عضوینه سبیت ویردیکی ادعایله مظنون علیه اولوب درسمعات هیئت اتهامیه سندن جنایتله اتهامه قرار ویریلان اوصاف و اشکالی غیر مضبوط قریه مرقومه دن مهاجر قوریچی حسین عقیب وقوعانده فرار ایدرک آلازه کچوریه مامش اولدیغندن ناشی اصول محاکمت جزایه قانونک اوچبوز یتیش برنجی ماده سی موجبجه قانونه اطاعتله محکمه یه کلسی ایچون جانب ریاستدن مجدداً اون کون مهل ویرلمش اولدیغندن مدت مذکوره ظرفنده انبات وجود ایتدیکی حالده محاکمه سی غیاباً بالاجرا حقوق مدنی دن اسقاط و اموالی حمز ایدله جکی و بو باده مرقومک برکونه دعوی اقامه سنه حق اوله میه جنی کبی بولندی بی محلی بیلنلر خبر ویرمکه و بالجلله ضابطه عدلیه مأمورلرینک مرقومی در دست ایتکه مجبور بولندقلری اعلان اولنور .

#### بالوه بدایت محکمه سی اجرا دأره سنده :

بالوه قضاسنک اوچبوز یکرمی سنه سی اعشار ملتزم لردن اکبلی علی افندیکن دیون عمومیه اداره سنه غیر از تسلیم دینی اولان مبالغ معلومه نک تأمین استیفاسی ضمنتده مدیون مومی الهیک محجوز بولنان بالوده یالی جاده سنده صاحب سند ورجب چارش خانلری و حسن رئیس باغچه سیله محدود مغازه نک نصفی وینه حسن رئیس مغازه سی و یول و صاحب سند خانسی وطریق عام ایله محدود دیگر مغازه نک تمامی وکذا صاحب سند ورجب چاوش خانلری و حسن رئیس باغچه سیله محدود بر باب خاننک تمامی و قصبه جوارنده علی باغچه سی و کوچک علی و حاجبی امانت و توفیق ترالری ایله محدود مفرز ترا والمالق قریه سنده نیقوله و دولکر یورکی خانلری و دره و خرستو املاکی ایله محدود خانه مع باغچه نک درت حصه ده بر حصه سی و چاغشاق قریه سنده کر قور وقره کوزیان و سربوهی ترالری وطریق عام ایله محدود مفرز ترلانک تمامی و آق قریه سنده حق چاوش و اسماعیل ولاز اوغلی بیرام باغچه لری و یول ایله محدود باغچه نک تمامی تاریخ اعلاندن اعتباراً اون بش کون صکره بالمازیده صاتیله جغندن طالب اولانلرک بالوه قضاسی بدایت محکمه سی اجرا دأره سنه مراجعت ایللری اعلان اولنور .

بالوه قضاسنک اوچبوز یکرمی سنه سی اعشار ملتزم لردن چقور مسلم قریه سنده مقیم علی اغانک دیون عمومیه اداره سنه غیر از تسلیم دینی اولان

مبالغ معلومه نک تأمین استیفاسی ضمنتده مدیون مومی الیه ایله کفیلی قریه مذکوره دن فارچی اوغلی ابراهیم اغانک محجوز بولنان قربانلرده ارنبود اوغلی ماردیروس و بر طرفی غزل و علی املاکی وطریق ایله محدود بش دونم ترلانک تمامی و باقر پیکارده بر طرفی یول و صادق و عمر و ابراهیم ترلالریله محدود بر دونم باغچه نک تمامی و کوی التنده بر طرفی علی املاکی و یول و عثمان و عبده باغچه سیله محدود بر دونم باغچه نک تمامی و اسکی دکرمنده بر طرفی یول و دکرمن دره و عجم علی ترلا سیله محدود بر بچق دونم ترلانک نصفی وینه اسکی دکرمنده بر طرفی یول و امیر اوغلی محمد و برادری حسن املاکی و یول ایله محدود بش دونم ترلانک نصفی وینه اسکی دکرمن نام موقعه بر طرفی علاء الدین املاکی و دره و قاسم ترلا سیله محدود و نصف سبل دکرمنی تاریخ اعلاندن اعتباراً اون بش کون صکره بالمازیده صاتیله جغندن طالب اولانلرک بالوه قضاسی بدایت محکمه سی اجرا دأره سنه مراجعت ایللری اعلان اولنور .

بالوه قضاسنک اوچبوز یکرمی سنه سی اعشار ملتزم لردن بورطن قریه سنده مقیم ادریس اغانک دامادی احمد اغانک دیون عمومیه اداره سنه غیر از تسلیم دینی اولان مبالغ معلومه نک تأمین استیفاسی ضمنتده مدیون مومی الهیک کفیل لردن المالق قریه سنده مقیم باباس اوغلی یانی و برادری میخال اغارک محجوز بولنان قریه دروننده انسطاش املاکی وطریق ووقف قهوه سی وطریق ایله محدود دکانک اوچ حصه ده ایکی حصه سی و استراطی املاکی و یول و میخال باغی ایله محدود ایکی دونم باغک تمامی وینه خرستو املاکی و یول و طناش املاکی و یانی باغی ایله محدود مفرز ایکی دونم باغک تمامی وینه پایا قسطنطی و انسطاش و میخال و پترو املاکی ایله محدود بر دونم باغک اوچ حصه ده ایکی حصه سی وینه بند التنده یوان و بنایوط و میخال و انستی املاکی ایله محدود ایکی دونم باغچه نک تمامی وینه چایر لرده بقال صاواچو ققلمری دیمتری و نیقولی و صاحب سند ترلالریله محدود ایکی دونم باغک تمامی وینه چایر لرده نیقولی و کوسه میچو و انسطاش و ایوستول ترلالریله محدود اون دونم ترلانک تمامی واکرک نام موقعه یول و قسطنطی املاکی وطریق و استراطی املاکی ایله محدود دیدی دونم ترلانک اوچ حصه ده بر حصه سی و قریه دروننده غویو املاکی و دره و دیمتری و میخال باغچه سیله محدود اوچ دونم باغچه نک اوچ حصه ده بر حصه سی وینه قریه دروننده ایستریو و التقو و میخال املاکی وطریق ایله محدود منزل عرصه سنک اوچ حصه ده ایکی حصه سی و طاشلقده ایستریو و وقف ترلا سی و عارف اغا

و پاریشه ترلالریله محدود اون ایکی دونم ترلانک تمامی و قوجه یلاق نام موقعه فدان اوغلی ترلا سی وطریق عام و یول و فوطی ترلا سی ایله محدود بش دونم ترلانک اوچ حصه ده بر حصه سی وکله مه نام محله قوندیره جی یورکی و ایستریو و قال اوغلی و یانی املاکی ایله محدود و نصف باغچه تاریخ اعلاندن اون بش کون صکره بالمازیده صاتیله جغندن طالب اولانلرک بالوه قضاسی بدایت محکمه سی اجرا دأره سنه مراجعت ایللری اعلان اولنور .

بالوه قضاسنک اوچبوز یکرمی سنه سی اعشار ملتزم لردن حمزه اغانک دیون عمومیه اداره سنه غیر از تسلیم دینی اولان مبالغ معلومه نک تأمین استیفاسی ضمنتده مدیون مومی الهیک محجوز بولنان حاجق قریه سنده دکرمان نام محله بر طرفی امیر اوغلی علی ترلا سی و دره و حاجی نوری ترلا سی وطریق ایله محدود اون سکز دونم ترلانک تمامی و المالقده بر طرفی طریق و خلیل اوغلی محمد و احمد باغلری وطریق ایله محدود ایکی دونم باغک تمامی و دکرمان دروننده بر طرفی حسین ترلا سی و دره و حلیمه خاتون ترلا سی ایله محدود اون بش دونم ترلانک تمامی کوپری باشند علی ترلا سی و دره و اورمان و قسطنطی ترلالریله محدود یکرمی دونم ترلانک تمامی وکذا کوپری باشند دره و اورمان و بویاجی اوغلی و صاحب سند ترلالریله محدود اوچ دونم ترلانک تمامی و طولابی نام محل باغلرند بر طرفی دره و پلا محمد و بویاجی اوغلی و قناد اوغلی ترلالریله محدود بش دونم ترلانک تمامی تاریخ اعلاندن اون کون صکره بالمازیده صاتیله جغندن طالب اولانلرک بالوه قضاسی بدایت محکمه سی اجرا دأره سنه مراجعت ایللری اعلان اولنور .

بالوه قضاسنک اوچبوز یکرمی سنه سی اعشار ملتزم لردن المالق قریه سنده مقیم دکرمانجی دیمید اوغلی نیقولی اغانک دیون عمومیه اداره سنه غیر از تسلیم دینی اولان مبالغ معلومه نک تأمین استیفاسی ضمنتده مدیون مومی الهیک محجوز بولنان قریه مذکوره ده دکرمان بنیدی نام موقعه بر طرفی صاحب سند باغچه سی و دیگر طرفی کندی ترلا سی و بر طرفی ایشیل و محی ترلا سی وطریق عام ایله محدود اوتوز سهمدن یکرمی سهم دکرمان تاریخ اعلاندن اون بش کون صکره بالمازیده صاتیله جغندن طالب اولانلرک بالوه قضاسی بدایت محکمه سی اجرا دأره سنه مراجعت ایللری اعلان اولنور .